




浮
情
小
品

七
八

15
88
4





清室中書目錄卷之

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

湧幢小品目錄卷之

開科

試錄

題石建坊

殿試改期

兵科瀛洲真像

會試搜檢

元會

竝賜袍帶

御製策問

試額

策題

請改試期


二則

會場支費

密探狀元

詞讖

倫氏之盛



御筆再改

易水生

二酒解元

京考

制科盛際

考試得人

九則

進士回籍

遼陽試士

京尹黜卷

失中三元

父子解元

試官二則

迴避

小座主

傳臚之謬

忠愍名次

減補坊銀

名先狀元卷

閩中鼎甲

擬題決文

覆試得釋

代筆

嚼筆

各省監臨

二則

試院二則

武試

焚私書

二則

閩中定命

三則

傳題

場後口語

斷么絕六

二則

常服入試

文武宴

四則

恩貢

進士中制

王老陳少



宋制科

陳氏兄弟

進士書榜首二則

馮京

蔡傳進士

鴈塔

湧幢小品卷之七

洪武四年乃開科之首其序文只曰紀錄題辭知
 貢舉官二人忠勤伯右丞相汪廣洋左丞相胡惟
 庸時已尚左而右居先者以封伯故也主文官二
 人禮部尚書陶凱前翰林侍讀學士潘廷堅考試
 官四人侍讀學士詹同司業宋濂吏部員外郎原
 本前貢士鮑恂場中先經後書書只孟子疑一篇

二場論詔誥表各一篇無判三場策一篇錄中都
無程文想規制未定尚爾草草至十八年始梨然
大備矣

御製策門

洪武十八年乙丑會試第一部奇偉一曰字子才

衡州安仁人高皇親製策門中云有能者或面

從志異有德者或無所建明中材下士寡廉鮮耻

此三語曲盡其妙誰人到得殿試丁顯第一奇偉

次之皆授修撰二甲馬京為編修吳文為檢討三

甲危猷為紀善楊靖為吏科庶吉士蹇瑤為中書
舍人餘觀政諸司瑤後改名為義黃子澄練子寧
皆是科所中

試錄

禮部所存國初會試錄止洪武四年一本自十
八年至三十年皆缺想建文諸臣死難者多係是
科以後進士故盡毀之文皇震怒為此不必言
三揚無一字之留何耶西揚原由徵辟歷仁
宣英三朝皆為省揆用事與東南揚諱言遜國

一節故爾濶略乃當時諸臣與草莽士皆無私錄
固是法禁之嚴亦見風俗之樸嗟乎侯城錄一綫
之存天意也

試額

弁洲雜編云洪武三年庚戌始開科鄉舉士就
試者百二十三人中式者七十二人又云正
德戊辰大學士王鏊尚書梁儲主會試相傳劉
瑾以片紙書五十人姓名欲登第因開科額三
百五十人

按洪武三年應天并各省開科取士明年正月令
設科連試三年自後三年一舉洪武四年三月策
貢士俞友仁等一百二十人賜吳伯宗以下及第
是科試錄題辭出宋景濂之手中云先是京闈鄉
試中式者七十二人未及貢南宮上皆未用有
官御史者及是會試自河南面下行中書十有一
俊秀咸集面高句麗之士與焉則人試者當亦五
六百此後多至四百七十餘人少則三十人永樂
元年癸未補壬午鄉試次年甲申會試上間禮
部尚書李至剛洪武取士之額至剛以實對命從
其多者取四百七十二人此後多者三百五十人

少則九十五人 宣宗初卽位卽定省直取士之
額會試所取不過百人南士十六北十四至正統
七年始加爲一百五十人景泰二年二百人五年
三百五十人天順元年復辟仍三百人四年一百
五十人七年會場火改於八月三百人成化二年
三百五十人五年二百五十人八年三百五十人
十一年三百人十四年三百五十人十七年三百
人二十三年三百五十人弘治三年三百人十五
年始加爲四百人十八年三百人正德三年三百

五十人六年如之九年四百人十二年十五年又
皆三百人嘉靖二年隆慶二年以首科皆四百人
萬曆二年張太岳爲政止三百人前辛未四百人
太岳主考餘
則或三百或三百二十或三百五十雜編所言乃
正德三年事此額先朝行之屢矣前二科爲四百
始加之額要知此乃中制每間一科則依此數皆
禮部題請而首揆主之其年李長沙爲政安得歸
之試官且王文恪與逆瑾抗卒辭位去而旨灑倒
一至此乎傳聞之語原不足信又不考其時與人

而書之此卽祖唐人失囑單之說削去可也不則
後生小子傳以爲實文恪亦發笑地下謂蘇人輕
信輕寫弇洲亦作口業矣

題石建坊

任亨秦襄陽人父杜林從外家姓洪武二十一年
廷試太祖高皇帝親擢第一官修撰復命題名
於石建坊干門寵異之此建坊之始要知尋請復
姓上以恩自任出勿聽殿試錄賜其妻姓曰朱
氏蓋母乃元烏古倫公主妻亦蒙古人故也都御

史陳鎬錄其末路大節甚詳官至禮部尚書子顯
宗孫春皆領鄉薦顯宗不樂任進後以薦爲吏部
稽勳主事春西安府同知時余公子俊爲知府同
心協力了內艱貧不能歸余爲齎發乃得行服闋
擢知府卒

策題

登科錄御製策題在永樂宣德至正統初年間
用行書想閣老親筆進呈因而發刻者其見君
臣一體與慎密不洩景象後皆付之中書官先一

夕傳出矣又如宋朝誥勅亦當制者親筆故皆貴重且因之精於書法此甚得體寧口代王言而手反不代哉國朝自洪武正韻一行遂有同文專職其制始廢不復見

殿試改期

舊制殿試在三月初一日謝恩在初六日成化八年以悼恭太子發引改十五日至今仍之然初一日大促畢竟十五日爲安此雖人事亦天意之相合也

請改試期

三歲開科八月鄉試明年二月會試至元仁宗始定從李孟之請也入國朝因之萬曆戊戌春闈喬御史璧星監試舉子重裘以進便於懷挾請改三月用單交衣則宿弊可清李九我先生駁之曰如此則四月十五殿試儻日煖如何操筆又其甚者不暴殺舉子耶衆閤然一笑而止

張幼于鳳翼有會試移期議一篇謂會試期太祖定于二月蓋謂金陵南北之中地在大江之南

得春爲先故定於二月取春之中今建都北京遠
三千里宜移在三月其利有五一在覲吏後從舟
可省雇費二便於雲貴士子三減衣裘防閒甚易
四膳錄無呵凍之苦五歸家無閘河運舟之阻喬
壁星之疏止得其一而至金陵取中云云猶是臆
度之說

兵科瀛洲真像

廷試事畢兵科設宴延執事官看閣立本十八學
士真像一卷于志寧讚沈在中跋與近時所傳全

不同蓋真本也原藏山西蒲州監生魏希古家嘉
靖癸卯甲辰間希古攜入京崔都尉以千金購之
不得是時邊患棘希古條邊事竝以此卷封入意
圖進用世宗不好書畫所言邊事又無當疏入
不省謾以疏符此卷發兵科或言成祖得此卷
仁廟與漢王爭求之難兩與遂發該科可笑余辛
丑供事內庭草草一閱蓋已摹換非原本矣

會場支費

會場支費舊皆取之順天府宛大二縣裁數百余

民已不堪用亦不給弘治七年禮部尚書倪岳議
各省鄉試用度皆有羨餘請限數解部貯順天府
支用凡八百金以後費用日多正德九年尚書劉
春奏派加舊額三之二諸用以足

會試搜檢

會試原無搜檢官嘉靖己未御史建言欲厲其禁
尚書吳山持不可曰彼已歌鹿鳴而來矣隆慶二
年復有言者始設兩京鄉試亦始之然終亦不能
盡行其法也

密探狀元

先朝策士凡鼎甲聖上多密訪而後定英宗
己未科臨軒已儼崑山張和第一使小黃門密至
卯識之以目眚寘二甲第一拔施槃第一蓋慎重
如此一科之長文運所繫可不慎與至問周旋而
悞則天也

元會

天順以後我朝有六元會七元會聚散不常要之
常六人以上呂閣老文懿公原揚侍郎文懿

公守陳 楊尚書文 公守陞俱解元 姚太宰
文敏公夔會元 商閣老文毅公三元 南京史
部侍郎范公理 副使胡公廷瑞俱解元 謝閣
老文正公遷狀元解元 謝修撰丕 兵部主事
楊質其以未第至者盧楷黃廷璽俱解元 內盧
楷入太學教祭酒刑讓陳鑑之狂有名姚千酒中
贈詩云盧生倘儻才諒矣

詞識

李旻以成化庚子解元癸卯冬將赴春闈友人鎖

懋堅者送之賦正宮謁金門詞云人艤畫船馬鞞
上錦韉催赴瓊林宴塞鴻聲裏暮秋天綠酒金杯
勸畱意方淡離情漸遠到京廷中選今秋是解元
來春是狀元拜舞在金鑿殿已而旻果魁天下

十箱並賜袍帶

豐學士熙弘治己未廷對初儼第一已易置第二
以倫文叙爲第一均賜狀元袍帶蓋異數也

倫氏之盛

倫文叙字伯疇頭顱大二尺許長身玉立以儒士

御史收遺才考遂中式舉會元狀元廣西全州舒
尚書應龍之子弘志儒士中第六其年試錄五策
皆用其稿次年丙戌舉南宮廷試上親拔一甲
第三倫以諭德卒年四十七舒不踰年卒年僅二
十餘皆可惜也倫之子以諒鄉試第一辛丑進士
官通參以訓會試第一廷試第二官祭酒以詵進
士官郎中父子殆占四元矣文敘以訓皆不滿五
十以諒六十五以詵年八十可見高科美官皆能
奪人壽矣

御筆再改

嘉靖戊戌科閣臣儼陸師道第一 御筆改二甲
第五取袁煒第一煒南宮原第一既復改第三擢
茅瓚爲狀元

失中三元

李九我庚午解元主考者瑤泉申少師卽留爲館
賓轉館於董宗伯家癸未李得會元申正當國宜
以狀元與之續商文毅之盛乃拔朱養淳國祚第
一而李居第二有意乎無意乎三公皆清品正未

可申乙也

易水生

乙未春試前一夕有舉子夢見冕服一人坐殿上
召之入試試目一紙有晉元帝恭默思道七字翻
飛不定與易水生爭逐之爲彼先得及入會場第
一題是司馬牛問仁帝所謂晉元帝者晉姓司馬
元帝牛金所生合爲司馬牛恭默思道是訖言其
年會元湯霍林賓尹則易水生也

父子解元

史俊號柏菴涿州人中成化戊子解元官至副使
子道應正德癸酉鄉試以文字呈其父卽卦一東
遺道令開榜後視之乃對一聯云二三千人中文
章魁首四五十年来父子解元道果解元後官至
總督兵部尚書 國朝父字解元我泐謝本齋及
其子丕他省亦往往有之

二酉解元

吾師蘇紫溪先生潛應癸酉試分考郭青螺夢虛
齋蔡先生分之入謁先師廟喜曰當有佳士如蔡

者發之乃先生牘也縣同言易同酉年選首同草
姓水名又同先生官憲長卒質行真修直可繼文
清之後在工部分考會試拔閣學李九我第一僉
浙江學政鑒賞諸生如逆觀差等人人奇駭今閣
學沈銘縝兄弟拔居第一二以余薄劣亦踵其次
凡二十年後魁元上選皆先生點墨之餘也

試官

永樂丁酉北京行部鄉試奏請考試官上命行
在侍講鄒緝侍講王洪主考賜宴于本部越二日

改命侍講王英出王洪爲禮部主事洪杭州人進
士任行人陞給事中以文學擢檢討修撰侍講洪
初有操守恆自負矜已傲物醉輒出忿語斥同列
以不得爲學士中懷怏怏嘗密疏誣學士胡廣其
父子祺爲延平府知府以罪死廣不當於實錄隱
其罪上察知子祺實卒於官遂不直洪至是請
鄉試官上命廣等擇人廣以緝洪對上從之
已受禮幣洪復密疏子祺事上曰此小人豈可
以在侍近命禮部追所受禮幣而改命英洪旣出

失措乃諂事尚書呂震方賓以祿薦達震等屢言
於上不聽洪飲恨未幾病死
翰林中有一少詹事爲會試正考復以尚書爲會
試副考者張惟信潮也事在嘉靖壬辰甲辰兩科
有兩主會考而復主鄉試京考者柯孟時潛也會
試在天順庚辰癸未兩科鄉試在成化改元乙酉
科

京考

嘉靖戊子用大學士張璁之議差京官主考不用

詞林皆科部寺及行人爲之其給事中不獨用於
浙江江西卽山東廣東四川雲南亦用之行止兩
科而止至萬曆乙酉戊子而後皆差京官乃用詞
臣三員或四員給事中亦同此數皆於浙江江西
福建湖廣而他省則用部寺以下或曰弘治甲子
各省亦用京官如王陽明主試山東是也舊制省
試考官皆監臨會同提調監試官自聘其年山東
巡按陸偁慈谿人陽明適起服入京便道聘之非
京差也

迴避

嘉靖癸丑會試禮部三堂皆有子入試不顯言迴避而托二王婚禮辭入院蓋亦事之相值也時左侍郎已往承天祭告乃允右侍郎之請而以吏部侍郎程文德代

尚書歐陽德左侍郎孫陞右侍郎閔如霖陞之子銓中式

制科盛際

永嘉江陵兩相公最得君最强悍其可恨處不少却有一件最得意處永嘉典嘉靖己丑試會元唐制州順之狀元羅念菴洪先江陵典隆慶辛未試

會元鄧定宇以讚狀元張陽和元汴四人者何處得來且同道同心事座主不阿附亦不抗忤最爲得體若天生此人以應二相之求而二相之目力亦加人數等矣成化丙戌會元章楓山懋狀元羅一峰倫人品最高冠絕前後其爵位之崇名實之相稱莫如成化乙未會元爲王文恪鑿狀元謝文正遷可謂盛矣然比其柄用阨于奸臣不久而去文正又多晚年一出後則嘉靖之壬戌爲會元王文肅錫爵狀元申文定時行相繼爲首揆更勝十

前而因循否隔不得盡行其志文肅至以哭子併
命自來全盛之事似亦若造化所忌也

小座主

弘治乙丑楊石齋主考禮闈子升菴與俱時崔仲
息銳試卷分刑部主事劉武臣疑其深刻未錄升
菴見而奇之以呈石齋遂擢詩魁崔以小座主稱
焉時年十八子隨父入場且得搜卷分考官舍中
今可行否

考試得人

吾郡吳霽寰惟嶽嘉靖丁未分考閱禮經得十人
爲張太岳居正官太師殷崇川士儋官少保陸五
臺光祖官太宰汪伯玉道昆官左司馬胡石門正
蒙以會元太常寺卿掌國子監事餘亦皆登臺省
監司其督學山東拔于穀峰太保于垂韶中其他
蕭岳峰太保而下凡東省顯人俱經獎拔奇奇霽
寰官至都御史

池州畢松坡鏘嘉靖癸丑分考閱春秋得十四人
殺禠馬乾菴自強官少保肥鄉張心齋學顏官大

司馬丹陽姜鳳阿寶官大宗伯仙居吳悟齋時來
官左都御史崑山顧觀海章志官少司馬松坡官
至戶部尚書

王尚書一夔羅文毅倫兩狀元皆尹直分考所取
尹官尚書學士

倫諭德文敘董文簡玘兩會元皆徐穆分考所取
倫仍狀元徐官止侍讀

王文恪整羅文簡玘兩會元皆傳文穆珪所取

王分
考羅鄉
試解元

趙浚谷時春唐荆川順之兩會元皆廖鳴和分考
所取廖官左庶子

儲柴墟壻陳瀾兩會元皆編修張柏厓所取

張官禮部尚書

袁文榮煒瞿文懿景淳兩會元我郡閔午塘所取

袁分考瞿鄉試第七閔官禮部尚書

顧會元起元趙狀元秉忠皆方中涵所取方官至

少師是科戊戌余與方聯房同閱詩經乃兩元皆
人其年顧卷方初擬在第五六間主考沈閣
學較門獨技
亦隻眼也

傳臚之謬

嘉靖十一年上御殿傳臚諸進士皆集闕門
一序班謬傳令儒服以進首名林大欽及諸進士
巾袍者百餘人次名孔天胤以更服上掖門外詔
問狀鴻臚卿王道中以為禮部失于曉諭上切
責部臣奪司官俸一月禮部言已嘗先期揭示實
以序班妄傳遂致錯誤道中乃欲曲庇屬官厚誣
本部非朝廷設官相臨之體詔道中對狀切責而
宥之序班孫士約等下法司逮問大欽天胤等俱

免究

進士回籍

國初新進士日侍左右後放歸就學近日都允回
省觀甚便然嘉靖丙戌科辦事進士應擯等九十
餘人自以銓次尚遠乞如舊例放歸疏三四上有
詔切責擯等發身科甲不思以勤自厲練習政體
乃屢欲乞回自便已私大學士費宏代請終不允
天哉王言可以浚省

忠愍名次

楊忠愍公鄉試第二十一名乃嘉靖庚子科解元
謝一麟主考童內方而楚志以爲丁酉其歿也年
僅四十而志以爲四十二

遼陽試士

遼陽原附山東科舉嘉靖十三年因溺死多改附
順天以德州衛左所與遼之十七衛學相兌應試
者四百人是年甲午中九人次科八人又次科五
人以後漸減至一二人萬曆三十七年題准增額
五人以夾字編號待遠士其寄戶中式者不許圖

便遷徙遠者黜革問罪

減補坊銀

嘉靖中倭患熾盛言軍興吏書吳鵬都御史馮懋
卿乞減舉人坊銀及驛遞鋪陳船隻馬騾頭匹銀
兩之議後於舉人銀兩或許囑說入學童生或加
增長夫水手以補所減之數而士風民財所損多
矣

京尹黜卷

崑山張和往試南京時少保鄭忠愍公爲京尹有

投書惡張於公者大怒召諸應舉士歷驗之張故
有目疾與書所云合公乃言曰吾已得爲奸利者
然將寘之法邪將械送於鄉使終身不得舉耶蘇
人有滕塏者直前謂公曰公尹京廉平有爲人訖
敢爲奸利事顧毀人者多捏借公不究竟而卽治
之不亦中彼人秘計乎公曰爾言亦是但吾不可
以中止且試之悉出諸應舉士留和與所指增廣
生數十人命題以試和文先成公讀之良久曰文
體略以西江汝當是冒籍者和曰吾祖以來家崑

山不聞冒籍嘗從西江人學耳西江人者謂翰林
尹鳳岐也又讀良久乃曰姑去吾知所以處子矣
旣入場其舅湖廣參政沈餘慶時爲水部郎中俟
出卽與俱過虞衡主事吉水艾鳳翔誦所爲文虞
衡曰其文鬱暢而詳整當在首選旣而擄出不得
與其弟穆舉前列餘慶復與過虞衡虞衡曰吾誦
其文甚習請舉之遂爲誦初終場文不遺一字曰
以此而下第吾不知也蓋鄭公雖悟惡人搆陷不
足信然竟黜其卷和退言儒者之學先治身心名

非所急且吾嘗自謂聰敏書過目頗成誦若虞衡
一過耳不忘吾何敢望哉遂去入山中多讀書永
豐彭昂督學南京訓導張承朝首以爲言復應舉
和以鄭公爲辭彭曰鄭已拜兵部侍郎矣及試而
分考蕭聰以和所判禁止師巫邪術有執左道以
惑人語謂無所據落其卷主考學士吉水錢公習
禮侍讀雲間陳公恂覆閱詰問聰左道原自有本
聰無以對因使於所落卷朱勾以誌之蓋與和相
同得舉者五人時正統三年戊午年二十七矣明

年與弟穆同試禮部穆舉第二人和廷試對策稱
旨將賜狀元以目疾擢第二甲第一錢學士與諸
老入朝嘗遇之指謂鄭公曰此目疾者張和也鄭
曰吾昔爲京尹知盡吾職耳何有私哉少傅胡忠
安潑爲禮部尚書欲迎和訓其子言於吏部尚書
郭璉郭催往佯應曰諾而實不往蕭山魏文靖驥
爲吏部侍郎私問故曰宗伯爲禮部首欲訓其子
而使和自往耶魏告胡公胡擇日詣所居成禮始
往未幾移疾還蘇以道義自高百叅將者禮致耳聃

先生大年學爲詩與之來蘇和慕聶先生名過其
寓參將置和上座而處聶先生下和曰吾爲聶先
生來非爲參將來參將學詩於聶先生則先生爲
師而處之下此何爲者參將方設俱具拂衣去不
省又嘗與參議趙會于故少保陳僖敏公家趙多
議人得失和正色曰人當於有過中求無過不可
於無過中求有過一坐聳然

名先狀元卷

張黼上海人未第時嘗夢人語之曰汝名先狀元

覺而思曰吾其殆乎第豈有登狀元先者及成化
下未會試榜出名在二十而鉛山費宏二十一
是年宏廷試第一其幼也嘗夢神示府丞字莫測比
致仕果有府丞之命

閩中鼎甲

閩之鼎甲死於非命者自陳狀元謹而外又有龔
錡錡字台鼎建安人宣德庚戌科進士及第第二
已授翰林院編修坐累去官沙尤盜起爲大軍鄉
道至高陽里遇賊見殺錡博學善詩字體遒勁所

著有蒙齋十集此亦死難鄉官與錢鏞同而不聞
贈謚何耶又楊瑛亦建安人字希玉景泰丙子解
元天順庚辰進士庶吉士曹欽之變入朝遇害贈
編修其父敞原浙之江山人爲建安丞遂家焉

闈中定命

范春會稽人有文學嘉靖己卯場中騰真己畢年
試卷自校得意甚謂可取解元忽颶風驟攫去凌
空莫知所之投筆墨歎息而出曰命也後得長汀
主簿郡守陸某徵文壽當道無當意者試以屬春

詰朝具草大歎賞用之宿驛榜次壁間韻一廉訪
見而稱善知爲春恨相知晚署上杭縣一恂恂少
年稱督府使者索餉千金從者皆揮漢疑而詰之
閉館中申督撫以狀聞東大盜也

萬曆己卯南試題爲舜亦以命禹萃亭生員高承
禪中式主司嫌其取義與題合欲棄去賴京兆內
江陰武卿乃主司同鄉爭之得免然猶卽席改爲
承祚後壬辰中南宮乙未廷試庶吉士檢討與余
同官魁梧奇偉人也未幾使歸卒衆皆惜之因思

戊戌科余在會場中取中一卷策有國禎二字與
余名同棄去陳如岡太史房中亦取一卷策有如
岡如陵字亦棄去成忠字太史丙辰分試取一卷
有基命宥密字同其名棄亦如之用詩書成句偶
同主司名號夫寧有意而巧值見阮豈非命乎
李于鱗子駒爲諸生王元美屬司理魏允孚因秋
闈之使拔之曰雖私亦公也魏許之入場錄七破
爲記後檢之絕不可得既定榜則李生卷委於櫃
下塵土中相歎息人名有命不可彊也駒未幾亦

歿無子

擬題決文

黃學士葵陽洪憲未試前擬科場題十中七八不
知何靈至此馮宗伯琢吾琦看時菀最精壬辰會
試門下士持卷來謁者決其中否皆驗并名次亦
不甚遠人以爲神又三年乙未來謁者亦如之所
決無一驗一人耳時又不遠何夔異至此豈看文
亦時有利有不利耶

傳題

春秋出傳題不知何始天順年間浙江場中摘一十六股配作一題頭緒茫然及刻程文簡略殊甚名雖搭題實則射覆學者認題一時與考官相左卽被黜落永嘉教諭雍懋上書言之命禮部議行至霍渭涯主會試止出單題余習此經甚以爲苦嘗館某家見一老生施姓名臣道者每至必挾新題一二索謝則俗所謂換比者是也如舊爲宰啞則易宰周公一時駭爲奇老生尋以貢入京館干某給事中所給事故春秋名家甚稱之其時復差京考競向給

事乞題卽以老生所換者與之至有通場不記所司聊且備數者王給事士昌言之乃得少止貢十不久亦死

覆試得釋

天順壬午東平梁御史覲按河南試祥符得杜明卷稱賞是歲鄉試梁實監臨杜在高等劉僉事瑄與梁有隙因指杜及同榜袁江唐昭爲梁所私以奏併逮至京覆考其試卷入格乃得釋明年癸未會試河南鄉試通一榜獲第者止袁一人唐以乙

未杜以戊戌皆進士杜後授禮科給事中成化丙午憲廟爲皇太子納徵有旨取禮科庫貯寶鈔裝盒公偕諸給事開取之庫無一貫衆愕然失色曰鈔非吾儕所收必須挨究已往陞調去任者公曰挨究前僚法之正也有誤大婚伊誰之責乃奏曰本科庫貯寶鈔年久澆爛不堪裝盒請下戶部行寶鈔局選取直抵新鈔送庫備用上允之於是大督禮成而前僚得免

科場後口語

萬曆中科場被論前爲戊子繼爲庚子後爲壬子或以關節或以文體嘉靖冒藉之搜爲甲子景泰陳王之奏爲丙子豈子年果有不利乎丁酉北場亦被論然意不在科場借以傾焦弱族者弱族一降使息

代筆

代考之弊不直生童正統二年考試明經儒士兵科給事中金昭伯擅入午門欲代所親爲文事覺擬贖杖還職上以近侍官所行如此豈可任職

遂黜爲民未幾給事中吳繪又犯此禁枷示長安
門三月戊邊近日有舉人代考者正無足怪也

斷公絕六

乙卯年南場中有魚見於圍魚水族也水至潔也
而汗穢至此又見於場中此文明失位之象次年
丙辰會試沈同和以代筆中第一名代筆者趙鳴
陽中第六名俱吳江人事發按問竝罪除名吳爲
水國遂應其占亦一厄運也蘇州人爲之語曰丙
辰會錄斷公絕六蓋名次適應其數云趙最有木

情特以館穀落其度中余見代筆者數人皆無他
異所謂有幸有不幸也似宜末減
自制義盛行凡大家必延名士爲師友教子弟卽
聖人復起亦不可廢居常譚文課藝一遇考試同
坐商量職也亦情也勢也余少年館穀餬口有某
大家邀致甚力將赴之先君子獨否曰一入其中
卽以文字受役不可推不可拔矣固辭之觸怒賴
有解者且以明年爲期乃得免其年戊子中式由
今追思先君子其殆聖乎凡貧士有文章名者宜

於此際深思趙之覆轍可鑒亦可憐

嚼筆

二秀才俱春秋有名相善秋試前夕同榻一生俟
睡熟密取彼生謄真之筆悉嚼去其穎明日抽用
已盡禿大驚取起草者姑代則濕漚如帚乞諸隣
又皆堅拒慟哭欲棄卷出倦而假寐有神拊其背
曰起起寫寫既起視筆依然完好執之且疑且寫
既畢仍禿筆也交卷至二門一生在焉迎問曰試
文稱意否謝曰無之但得完卷耳其人面發赤趣

出宿於別所明日其名粘出不得終試禿筆生魁
選聯第

常服入試

安福劉師泉先生邦采以諸生外艱不出嘉靖七
年督學趙淵檄之入棘彊起應命及門遙望趙尚
未下席卻步不進趙亟起延之先生以棘圍故事
令諸生脫巾露體非待士體不願應於是御史儲
良才令十三郡諸生並以常服入免其檢察是秋
先生中式後官郡丞以理學名卒時若有所遇奇

秘不言嗟乎當時士風如此待士如此今不可再見矣

各省監臨

鄉試監臨非制也自御史顯差乃任其事立其名
余庚子典闈試偶缺御史二司問云無其人亦當
存銜余曰祖制只藩司提調臬司監試兩京則
京兆提調御史監試監臨之名御史在各省科場
重事自當作主今既無其人有諸公在何藉此爲
且對君上詎宜填空銜二司唯唯以後缺御史

皆從此例至乙卯貴州偶缺則都御史張鳳皋鳴
鶴入闈代監臨事

余以戊子中式其年蕭翰撰良有胡都諫汝寧典
試將至御史以八月初二日憂去巡鹽章中在邦
翰代監臨事駐松江迎之尚未至二公泊驛前藩
臬徃迎辭不肯上都御史滕少松伯輪自至乃上
皆一時權宜之計也

文武宴

恩榮宴命武大臣主席與閣老部院二品正堂皆

上坐嘉靖丙辰郭勛蒞事禮部分左右列勛上疏
爭之得旨如舊規行此坐仍左右列勛再疏
上切責禮部改正夫禮部其有意抑勛乎抑舊無此
規而勛以意爭也主席者執爵迺鼎甲三人酒禮
部尚書爲主下坐
武舉宴以大學士主席武大臣讓尚書坐其下郭
勛引團營例以爭上竟從之
陸武惠掌錦衣世廟丙辰年求與進士宴命序
二品文臣之末是時陸已加太保富貴極矣而有

金史附錄六上者勳臣壓首武臣尾之陸亦何榮
命而文臣之末是時陸已加太保富貴極矣而有
陸武惠掌錦衣世廟丙辰年求與進士宴命序
二品文臣之末是時陸已加太保富貴極矣而有
京師試院改舊禮部爲之乃正統年間事南京試
院乃錦衣衛指揮紀綱沒官舊房地下時有甲馬
聲景泰五年府尹馬諒奏請改立以前皆於武學
借用搭蓋苦舍耳然試院雖改其中搭蓋如故萬
曆五年御史陳王道始易以木
浙江試場原與杭州府學相連天順間以守臣奏

士子累有作弊改於城東廢倉隙地也寬敞雄偉
甲天下舊用木舍萬曆士子御史李邦華改易以
甄永絕火患
穆廟登極各省開貢取士提學爲政浙中出論題云
唐始策貢士於洛成殿衆謂此題合時極佳然乃
武壘事遂爲廷試之始以儼太平有道天子甚不
倫而又用之省試可乎是年居首者山陰朱應乃
金庭相國之兄後登進士官主事卒

武試

安二年初設武舉其制有長槩馬射步射平射
不同射馬槍翹關負重身材之選此武科之始亦
武壘事然今之武科初場馬射二場步射三場試
策論步射中二箭馬射中四箭卽入格嘉靖初年
兵部侍郎楊廷儀所定廷儀乃石齋之弟尚書彭
澤因而奏請允之其制大簡謂宜於馬槍翹關之
外廣其目如刀劔干盾之類皆取可也

進士中制

進士科起於唐其數至少沿於宋至多亦無定期
唐則許薦韓昌黎文集可考未幾有禁 國朝酌
其數最得中制而其禁甚厲蓋 祖制之失多矣
獨此尚存公道可屑越乎

焚私書

唐錢徽拜禮部侍郎宰相段文昌以所善楊渾之
學士李紳以周漢賓並誘徽求致第籍渾之者憑
子也多納古帖祕畫於文昌皆世所寶徽不能如
二人請自取楊殷士蘇巢巢者李宗閔壻殷士者

汝士之弟皆與徽善文昌怒方師劔南西用人辭
卽奏徽取士以私紳及元稹知狀時稹與宗閔有
隙因是其擠其非有詔王起白居易覆試而黜者
過半遂貶徽江州刺史汝士等勸徽出文昌紳私
書自直徽曰苟無愧於心安事辨證邪敕子弟焚
書而行

賂巖親吏邊咸用事富與巖敵有郭萐者相善其
議事以書相示則焚之今寫書曰乞火之蓋祖此
近時有鄉士大夫某與郡太守契密還往書尾云

乞擲還蓋以火之猶未可信必還而後可其書誤
投於余復封固返之夫秘密設策而曰擲還則渠
二人不能自信而況他人爲之一慨

王老陳少

陳通方閩縣人貞元十年第四人及第少年氣銳
與相國王播同榜時播年五十餘通方戲拊之曰
王老王老奉贈一第言日暮塗遠同贈官也播諭
其意答曰陳少陳少切莫發惡語其爲惡少也播
後人相通方因之仕官不達以困躓終而播亦竟

罕樹立云

宋制科

宋制科分五等上二等皆虛惟以下三等取人能
中選者皆第四等惟吳正肅奎嘗入第三等後未
有繼者至嘉祐中二蘇皆入三等已而子由以太
直考官胡武平駁送降第四等

馮京

宋三元馮京字當世產於廣西宜平之龍水天門
拜相山祖墓在焉幼流寓入藤有讀書故址後貫

籍武昌發解慶曆間與羣士計偕禮部賦無逸爲
元龜廷試賦蓋軫象天地皆第一歷知樞密院載
我明一統志中好事者高其名行轉相傳致私以
爲邦邑重遂奈其世焉或曰藤人或曰江夏人或
曰鄂人

陳氏兄弟

陳宜中以宋朝狀元宰相國亡逃於占城而其弟
自中守分水關戰敗不屈死何不令此人及第而
置其兄耶然逃亦勝於降矣自中有子萍兼文武

官大司徒天亦有以報之矣孫達司經正字辨官
復召爲翰林學士不起國初被薦亦不應及得
病却藥弗御而卒

蔡傳進士

福建僊遊縣有蔡傳二姓宋時各中進士二十五
人蔡以忠惠顯傳至蔡京父子煽惡囚終惟傳氏
自如後多聞人

進士書榜首

元時及第第二者亦稱狀元蓋其時第一必蒙古

人以中國人居第二故中國自以狀元稱之其餘
進士係中國人者亦曰某人榜進士皆第二也諸
公多致疑或曰從俗所稱或曰訛殆未之究耳如
李黼榜進士黼亦第二也

唐宋人無有書狀元於己官銜之上者逮元猶然
獨會稽楊維禎廉夫當元李書李黼榜進士至刻
之印章蓋黼死節之臣廉夫書之者欲自附於忠
節之後其意固有有且與黼相知不忍忘也後之
人乃有效廉夫故事書朱文公爲王佐榜進士謂
佐足爲文公重乎惟志書宜用此法蓋一榜之首
存之足以徵信也

雁塔

塔乃咸陽慈恩寺西浮圖院也沙門玄奘先起五
層永徽中武后與王公捨錢重加營造至七層四
周有纏腰唐新進士同榜題名于塔上有行次之
列唐韋杜裴柳之家兄弟同登亦有雁行之 故
名雁塔唐自祿山兵後龍池水涸庚子辛丑歲始
引龍首渠水灌池許人占修亭榭至壬寅池水泓

代詩無映帶唯見雁塔影倒蘸于池中遊觀者無

處雖在寺後亦於其外仍題名于上

因香案林處神文卷民燒同管亦府軍行完耳好

風而動觀香積寺同遊賤子于故土本行亦大

會亦勝中承自與志公詩經傳時管教廷心層烈

容不於廟遊觀時西樂圖的世於朝德遠夫故坪

之切氣在神死第之區廣天書之者故自附於忠

許之及於對面中百且如神相知不思忘也後之

封及於文公重來對志書宜與去益行詩文譜

湧幢小品目錄卷之八

召問命官

官數

設官

判府

增設知縣

停蔭

世蔭不同 二則

大選詩 十首

選法 二則

尚書不輕授

本兵

大小九卿 二則

南兵叅贊

攝篆 二則

總督總兵 五則

門旗

部屬凌壓

官名

駙馬教習

調吏部

調官

藩泉久任

監司上坐

考選臺諫

鹽運官

獎縣佐

經歷清廉

進階

少僊

坐部考察 三則

廢舊規 二則

驟黜

門戶

兩佐伯

增年待劾

白巖知人

品服

武臣品級

叅遊佐擊

龍虎將軍

皇親封伯

土司衙

衙門體統

會議

隨朝米

選官圖

換職

繆姓

啟事

二大

湧幢小品卷之八

湖上朱國禎輯入附錄

國初四明人王桓與二儒者同赴召見太祖于使殿上問二儒者在家何業一對曰臣業農

上曰卿業農亦知禾麥之節有不同乎對曰知之禾

三節而麥四節是不同也上曰禾麥類耳節之

不同何也對曰禾播種於春至秋而獲凡歷三時

故三節麥則歷四時始成故四節上曰是能知

稼穡之艱難者卽擢某州知州其一儒對曰臣業
醫同上曰卿爲醫亦知蜜有苦而膽有甜者乎對
曰蜂釀黃連花則蜜苦猿猴食果多則膽甜同上
曰是能格物者擢爲大醫院使次問及桓桓對曰
臣所業訓蒙同上曰卿亦有好惡乎對曰人之善
者好之其不善者惡之同上曰是能明理者擢國
子助教蓋自洪武十三年誅胡惟庸革丞相陞六
部尚書正二品各司所事同上自御前奉天門選
官其慎重如此

官數

洪武四年正月申書省上天下府州縣凡一千二
百三十九官五千四百八十八員是年平蜀十四
年後平雲南以漸增置內外官共二萬四千六百
八十三人京師一千四百十六人南京五百五十
八在外二萬二千七百九人

設官

周官三百六十舉六官成數言也然一官之下如
醫師中下士凡廿八人計天官正數項下凡大夫

上中下士共二百九十二人而府史奄女史御史不與焉地官吏煩是周家王畿千里之地設官大小固已不下二千餘人而官官皆得自辟其途甚廣所以野無遺賢

漢設官七千五百餘唐一萬八千餘宋三萬四千餘國朝成化五年武職八萬餘文職如洪武之數此外又有中書帶俸譯字生通事樂舞生厨役勇士匠人寫字人不可勝紀

判府

祥符東封王欽若趙安仁並判兗州二公皆見任執政也慶曆初西鄙用兵夏竦判永興陳執中范雍知永興一州一判二守判者大臣押文書之虛銜也陳執中乃實授范雍乃領使帶州者其實不同

增設知縣

嘉靖倭患光祿卿章燠請每縣多設知縣幾員及轉巡撫又請移襄陽分巡于樊城夫縣令詎可增而樊城隔襄陽府僅一水地雖浩繁不過附襄一

聚落寧可以大吏處之故部覆設一通判要之通判亦贅員如杭州唐棣亦有此官何嘗見通判到衙門資彈壓耶

停蔭

萬曆二年主事龔錫爵爲其子方升補五代祖龔弘之蔭張太岳票 旨曰罷以後年遠親盡的皆不准補此公節制亦自可喜其後遠者定以五十年爲期

世蔭不同

呂黨以蔭爲中書舍人中鄉試官至南太常鄉陶魯以軍功至右布政世錦衣千戶黃綰以議禮至尚書雖以蔭起家要不可以常格論至孫許之蔭以錦衣官二品三品忠臣之後又當別論弇州公皆收入任子官位大于所由一則然則然矣不可不辨然至近日蔭錦衣階一品加至三孤往往有之孫許之後不足言矣

永樂而後用人雖漸重科目然以才學自致公卿者甚多任子如朱長史復之子濬官尚書儀侍郎

智之子銘尚書太子太保其餘有蔭編修給事中
御史者因其人品原不限以官今優者自府部五
品陞遠方太守次乃得為運同以瞿洞觀之賢遠
在黃尚書之上止于運使加太僕少卿致仕此豈
最初用人本旨耶

大選詩

許松臯集

每年雙月大選其日不上視朝吏部堂上官先於
門下而奏請旨選官上是之承旨退待各衙
門奏事畢同吏科都給事中候於御道上一拜三

叩頭謝恩出赴東闕支待房光祿寺署官供酒
飯畢各官又赴午門外叩頭候於直房移時上
覽本畢傳出印子本於左順門部官榜出照本填
榜張掛於吏科之上西向除官着榜選事畢各官
出朝嘉靖二十一年八月二十八日大選候旨
之暇次第其事作詩十首以紀歲月云耳

面奏

天曹欽擬授官資九品分題列等差奏罷階前仍
候旨重瞻龍表徹封詞

謝書上門

峻登玉級面金臺
御旨親宣吏部來
直到御前方跪奏
四承天語聽命哉

說選

國家利器在人賢
掄選從公本奉天
聖主面前承詔令
真如造物舉生全

引官

鴈行魚貫藹如林
俱向龍樓肅整襟
贊罷叩頭瞻日表
人人無任感恩心

賜酒飯

恩賜從天降玉音
大官承旨禮惟欽
御河南畔開新宴
歲歲恩波似水澆

叩謝

近午大官供饌畢
風清日朗酒容溫
整衣肅向天門拜
一食無忘聖主恩

用印子

朱函象印出宸居
色色官衙紀奏書
從此品階山一定
朝除應直是天除

未印罷奏書還捧上中官傳進九重宮重瞳閱過
方傳出虞舜官人本至公

印子官銜卽御書移時傳本付尚書天官捧下
方填掬歡動除官意氣舒

恩看掬除官數百人歡呼萬歲祝龍宸今朝幸免
遵行過祿厚才疎愧此身

選法

霍渭涯以兵部主事養病家居起陞少詹事兼侍
讀學士疏辭且言邇年流弊官翰林院者不遷外
任官吏部者不改別曹陞京堂者必由吏部人輒
以二官爲清要以至翰林不畏陛下而畏內閣
中外臣工不畏陛下而畏吏部百官以吏部以
內閣爲腹心請自今翰林入閣必五品以上循至
三品卽遷外省叅政及各部侍郎九六部尚書侍
郎或畱兼師傳等官改除叅政布政翰林六品以

下俱調外任練達政體仍轉翰林六部郎中員外
給事中御史俱補郡守僉事參議監司守令政績
卓異卽擢卿丞有文學者擢翰林而舉人歲貢亦
得以擢翰林陞部院不宜以資格限上趣鞫速
之任所奏內外官遷轉資格令廷臣集議以聞
吏部尚書廖紀等奏言鞫以翰林史部不遷外任
臣以爲翰林設官之意本與常調不同在史局則
國典攸存在經筵則君德所係或以備顧問或以
代王言故累朝優異之典視他官爲重所以崇

聖祖鼓舞作興使人樂于效用故不以常格拘之今
列聖相承因時損益隨材器使爲官擇人勒爲成規
至精大備信萬世所宜遵承如鞫欲以國初未
定之制爲法別議資格以爲定守則大祖以後
宸謀睿算永可垂憲者其將若何願階下詳察
焉上曰朕以人君深居宮禁不知外事必賴左
右大臣協力贊佐若爲大臣而不能實察民情何
益治道翰林官有才堪布政叅政及提學副使者
量加陞擢用正欲其實歷政事以資聞見以備他

日重用吏部及諸曹年深者亦宜察其才識內外
兼用豈可循資輕授耶我太祖初年法制草創
者固難比擬以後定制及列聖成憲不可不遵
但用人圖治亦當因時制宜豈能一一拘定常格
況予奪皆出朝廷自今內外官出入遷轉所司隨
時斟酌以聞

尚書不輕授

馬文升爲兵部右侍郎三品滿九載僅予二品俸
望久之進左侍郎以散赤哈事汪直陳鉞陷之謫戍
又數年起左副都晉右都爲兵部尚書蓋尚書之
不輕授如此

本兵

洪武中更本兵二十三人惟茹少保瑞九年嘉靖
中更二十六人惟楊少保博十年自永樂迄正德
一百二十年更四十四人方臨安鈺于少保謙白
南宮圭馬鈞陽文升或七年十年十二年此外大
抵再歲不一歲隆萬兩朝亦未有及七年者

大小九卿

六部不相統攝小九卿體殺各部而事與之關如
光祿則關禮部先年光祿卿崔志端陳俊南光祿
卿牛鳳以厨役事屢與禮部爭言本寺非禮部之
屬文移往來不應自大封還劄付下部詳議至叅
奏受屈由此觀之要見小九卿如太僕則屬兵部
國子監鴻臚尚寶俱屬禮部京兆無所不屬矣近
年郭明龍為南祭酒李九我為南少宗伯署事郭
還其劄付俱用咨文二公同年而郭彊甚李不能
抗亦一變也余署南翰院院之體貌原與大九卿

並葉臺山署宗伯事移劄付譔皇太孫賀表葉
以書先之謂舊規如此亦懼余之抗也夫居官各
有體豈以此爭彊弱哉

九卿以大小分文移間宜有低昂且一切總于大
聽其提撥有事則知會可耳若謂之屬則與各司
官何異

南兵叅贊

南京兵部叅贊于成化二十三年班在吏部尚書
之上又多以南吏書轉叅贊高下名實皆不相應

此制之最舛者又南中守備叅贊下操勒操江衙門傍坐故操江都御史每千次曰閱操避之至萬楓潭爲南御史上疏改正夫吏戶禮兵刑工自周公來天造地設可容參差乎

攝篆

南中九卿篆大不攝小小亦如之李九我爲南少宰偶缺大司成衆議歸李李固執不從人謂得體偶閱王襄簡公有和侍郎楊惟立攝祭酒二詩亦少宰也又羅圭峯亦以南少宰再攝國學皆故事

特未之考耳近年南大僚缺以太僕卿攝戶部事所屬講相見儀節不知作何狀王諱軾公安人官太子太保惟立楊晉齋守隨也尾註云惟立雙生子圭峯名玘南城人

南京科道不避部堂臺臣猶壓于堂官至科臣則直與大九卿公會矣考之起于成化初年給事中王讓讓上饒人天順八年進士爲南吏科給事中屢有陳奏剛愎自用大臣中有少忤之者必摺撫其過立見論列或受人囑而陰爲之報復朝廷以

言官優容之讓益肆每會議必與六卿並坐遇大臣于道不爲禮或兩人肩輿行讓必策馬從中左右顧而過之縉紳側目無敢與抗者三年考滿吏部侍郎章綸填考有大體宜知之語讓又嘗劾祭酒劉俊俊不能平刺得讓爲出繼之子登科錄旣書其所後父母爲父母又書其本生白氏爲生母而不及其父俊因揚言讓以母爲所後父之妾當具言于朝讓乃慚屈詭疾去官後數年復補考譽黜之霍滑涯在南與科道交章然不能盡改也

總督總兵

文臣稱總督武臣稱總兵皆是虛銜總兵之名見于元末國初因之中山王伐吳檄曰總兵官准中書省咨云二至正統年始有定名曰總兵曰副總兵總督見于宣德中巡撫總督糧稅至麓川之役王靖遠用之軍務疾瑄繼之靖遠轉南兵部亦曰總督機務乙巳之變于少保以本兵稱總督未幾用之兩廣又用之兩廣湖貴用之兩廣川貴用之陝西用之宣大世廟時又用之薊遼保定用

之浙直江福并用之漕河正德末年武宗自稱
總督軍務威武大將軍於是改總督為總制嘉靖
三十年世宗以制字非人臣得稱仍改總督胡
梅林總督浙直江福是嘉靖三十八九年事而民
間至今稱曰胡總制云張經至總南直隸浙江山
東福建兩廣

文官至總督方稱軍門巡撫操江不與焉撫操經
過所督地方要謁見至大門外下轎由中門入後
堂相見軍門上坐撫操列坐其送迎軍門俱至大

門外看轎各總兵照撫操事例移文俱用印信呈
文相見介冑行跪勳臣亦由旁門庭參其隆重如
此然總兵行跪勳臣庭參亦太甚矣至近日操撫
皆稱軍門御史推參將陵僭又將何極

兩廣總兵舊皆以勳臣克之嘉靖四十五年都給
事中歐陽一敬題請革去以流官都督代鎮覆
允為例

韓襄毅公初至廣時三司官以地方殘破皆待罪
行事故初見行跪禮後因之嘉靖壬子都御史遂

昌應禎論令改正

先朝巡撫不許攜家亦如巡按之制景泰初給事中李實等奏言鎮守巡撫等官勤經三五七年或一二十年室家懸隔一切疾病督嫁不能相通甚有無子可矜者乞勅各官攜妻子完住許之由是巡撫始得攜家

門旗

撫臺衙門前立竿以黃布帖軍門二大字又矣在外兵道亦用此例帖飭兵二字按臣從來無之一

日登慈感寺閣望見二大黃旗如撫臺坐處異而問之則鹽臣也因問上帖何等字僧曰貞肅不知起于何時懸此有何意趣假如坐八人轎撫臣以示威重猶可其他乘之豈不羞歎

部屬凌壓

六部屬官禮部以清秩與吏部相近壓居戶部之前每每爭執可笑聞近日兵部亦壓戶部工部又欲壓刑部益可駭

官名

國朝官制權古為式惟大理左右寺丞為堂官而左
右寺正則屬官倉務稅庫皆稱大使而按察則稱
副使府縣學掌印曰教授教諭而州曰學正
六府駙馬教習

凡駙馬教習宣德中有本家學錄正統中俱令赴
國子監習禮讀書祭酒依學規教之成化中令駙
馬二十五以下者送監讀書弘治中令習兵書嘉
靖六年令吏部會同禮部查照勳戚事例于國子
監博士助教等官或在部及附近教官內推一人

教習遂以禮部主事一員司其事

調吏部

由禮曹郎調吏部者前朝往往有之近時則陸太
宰光祖王光祿守素及朱左通政敬循三人朱余
所及見乃吾師閣學金庭太保之子魁梧有氣韻
戊戌以儀制郎入會場填副榜副考若都給事中
強之皆不從及太保在位君以本官入京至嘉禾
病作亟抵家而卒未及中壽可惜太保因之驚悸
又為入言所困剛一年而沒此天人交窮之會要

之太保。清約忠慎終始不渝。逢時不辰。未展所抱。天平何尤。

調官

嘉靖庚戌虜薄都城。一時被掠。州縣官悉調用。有昌平知州肅禮者。最賢。嘗爲五河知縣。凡十年。清節愛民。方陞此官。到未二月。甚有守禦功。亦被調爲嵩明知州。此最無調。大虜突入。與民牧何與。而受罰。乃爾。惟壬午浙中兵變。二司普代。是時顧沖。寔養謙代爲杭嚴兵備。大能鎮服。其年秋。關余入。

試方納卷一

卒盜燭執而撻之。往故態不服。有一長官親泣嚴喝。乃默默受杖而去。問之。則顧公也。大約人情蠢動。必起于微。而賞罰操縱。必謹于細。達權變。審時勢。惟知者能之。

藩臬久任

先朝二司官久任。各自本司。加陞如僉事。則九年。少亦六年。經陞副使。副使陞按察使。藩司亦然。太守九年爲參政。又九年爲布政。有副使李隆。僅三年。陞參政。見邸報。泣曰。我何負于職。而陞此官乎。

遂致仕去正德間圖速化藩臬互相遷轉而
祖宗之法壞官亦漸輕矣蓋二司體最重以兩衙門
出者必由大臣所薦卽太守亦然今以外轉爲劣
蓋由當事者輕其官懷有不肖心故人亦輕之也
世道一至于此可歎可歎

監司上坐

屠竹墟天山開府楚中孟公淮爲監司公設煎置
孟公上坐孟亦不讓

考選臺諫

祖宗舊制凡給事御史致仕于進士內年二十以上
者選補或徑入吏部弘治間始及中行評博正德
始及推官知縣正德末年盡廢進士考選之例嘉
靖初悉復舊制間嘗一行旋廢格以夏言疏再及
進士王宗等十八人次年復停至神宗初停評
事不與其六館之停又嘉靖間事也

鹽運官

近日蘇州太守石崑玉以卓異陞運使時謂申王
二相國惡其彊直故重此官因以與石實抑之也

後見章元禮通政問之則實出吏部本意題准重其事權宗其體貌與巡鹽道相抗庶幾得清利源比石將至御史副使駁其移文遂棄官歸由此言之并聖旨亦不作准矣何況其他然考之永樂平涼太守何士英亦以廉吏第一陞兩淮運使則前朝誠有故事而今不可行矣
唐宋之轉運使利權無所不握并兼刑名故聲勢甚重
國朝一一分析銀解藩司米歸漕儲而運使獨主鹽政其居官最著者無如耿清惠九疇楊

東里以首揆過維揚止餽雞一隻東里厚加接引薦之朝得陞侍郎當日京官外官相與如此即謂之三代以上氣象可也清惠陞後鹽政頗弛乃命以侍郎再出整理後乃差都御史且分南北增爲二又增爲四中間惟鄆懋卿最爲驕汰可恨龐惺菴欲振刷即使見阻至穆廟初停遣額任巡鹽御史與鹽法道而運使益輕吏部欲復舊制加優異是矣然不深惟極重之勢別有調劑而僅于體貌間爭上下其能有濟乎謂宜擇其優者加兼副

使著令鹽法道抗衡得同見撫按毋班于太守之列鹽法道缺卽用填補以次推擇爲布政開府則官重人亦重庶幾其弊可革而所重在彼不在此卒亦無如之何也

獎縣佐

王陽明以禮幣獎興國主簿于旺又送官馬一匹帶鞍一副今有此否

經歷清廉

嘉靖十一年考天下清廉官以浙江都司經歷章

獻中爲第七獻中廣東欽州人歲貢僅陞判大理

府

進階

進階只從本品此舊制也品中之階有二有三亦須以漸而進後乃渝品文臣自相爲重耳末流之弊遂不可返吾鄉有爲太守再進階而建坊于右曰二品坊左曰五馬第則夫之遠矣子孫妄作祖宗亦何自知之

必僂

宋人稱縣尉爲少府甚無謂且少府自是漢官名
不可移又稱曰少僊蓋因梅福嘗爲尉以僊去故
以稱之然僊人爲官者甚衆假如稚川爲勾漏令
則縣正官便可稱大仙矣等而上何官無僊余欲
舉以稱南京司業甚佳蓋南司業優游體尊無一
事私署極水竹園亭之勝真可當此名也或曰祭
酒何如曰有印在午便不得稱僊矣又曰南翰林
掌院亦有印而無一事體又尊獨不得稱僊耶對
曰僊則僊矣食無果居無室行無徒此苦行道入

取聞者皆失笑

坐部考察

朝觀舊有坐部之制今皆踵行然亦習套虛數耳
嘉靖二十年給事中劉天真請于大興隆廢寺畫
爲十五區區爲舍數楹以處各官日輪吏部主事
一員稽出入夫省直入觀官約可二千員首領官
如之從者十之不知一寺地幾何可以盡容否又
其間有公會私會可盡稽查否如此條陳徒煩紙

筆川笑也

朝觀自舊臬下至苑馬寺上林苑監各署及各處
土官衙門官吏各一員名各賚須知文冊進京奏
繳惟市舶提舉司例免
兩京屯府官在六年京察例而復與觀察嘉靖中
治中龐嵩上疏請止之得旨著爲令龐字振卿南
海人由鄉舉授官後官知府有特祠云

廢舊規

考察時吏部一司屬往請大中丞宿部行事此舊
例也已亥年次當主事某往吏白故某大怒罵曰

若豈請容者家鄉李對臬載不得已以務聽往中
丞溫一齋純知狀亦不得已來赴後遂爲例余謂
舊規不可廢有如此司屬便當叅處身往迎中丞
中丞非司屬至亦決不當赴雖細事豈可使屬官
得遂彊梁之性

凡朝觀官逆降京官一班序立此天順中所定
若祖制則布政原班于侍郎副都之上

驟黜

黃一道字唯夫嘉靖乙未進士興化府太守有善

政僅八閱月南拾遺去輿論憤憤不平曰唯夫黜
驟也霍渭涯其同鄉人問閩布政使徐乾曰唯夫
爲郡如何徐曰閩省第一守也問閩按察使屠僑
亦曰唯夫者閩第一守也乃竟黜也先是林方齋
文俊爲會試考官唯夫方齋取士也甚厚唯夫守
興化實方齋薦旣而方齋族弟殺人坐罪死祈恩
唯夫曰曲人命之獄媚事舉主吾不能由是牾坐
黜科道反其詞曰唯夫受林金臣千脫死囚獄然
林獄實不脫或曰方齋不詆唯夫方齋族弟荷校

在獄祈脫死不得曰黃守復任吾死已乃以金行
反間賄閩吏黜者辨事南都騰流言曰黃守賊黃
守賊云且以林獄誣曰亦受林金云言官當考劾
年例耳流言求官員短長得片語卽忻忻動色曰
是實跡是實跡告之僚僚亦忻忻曰得實跡得實
跡遂載劾牘入曰科道交劾公也已不知猾胥翕
張弄官喉舌

禁門戶

京官六年外官三年考察皆據在任事件實跡嚴

覈爲准前朝太宰如鹽山三原題奏歷歷可據而
又禁私揭杜中傷不餘遺力以後節節申明務在
必慎而人情滋傷百弊叢生猶日出於無心可以
理怨至張太岳用以逞忿卒已一案諸名賢皆不
得免而先年高中玄借閤考黜科道數人不厭人
心便有昭雪有至尚書侍郎者此則閣臣權重罪
亦重而張爲甚當與奪情兩子中鼎甲同論乃近
年以門戶分別求之官評不可得則借鄉評處之
又不可得胡盧以莫須有三字處之夫皆好皆惡

原不足據布流言與有意搜求者尤不可據卽確
確是實黜之矣不知是祖宗舊制否若創爲新
法不知是公心否善善長惡惡短今不可望乃當
事者以善爲惡用于門外族之其長竟天以惡爲
善用于門內庇之其短無迹跑哮顛倒亘古所無
且所謂門戶者誰定是天門人門鬼門禽門也世
變至此可慨而又有未履任永錮者吏可恠

兩左伯

葛端肅以秦左伯入覲有小吏註老疾當罷公爲

請畱尚書曰計簿出自藩伯何自忘也公曰邊吏
去省遠徒取文書登簿今見其人方知誤註過在
布政何可致小吏受枉尚書驚服曰誰能于吏部
堂上自實過誤卽此可謂賢能第一矣
已未年閩左伯黃琮馬平人爲一主簿力爭得免
當事者甚不善曰以二品太吏爲一小官苦口此
其人伎倆可知註調黃有清操質實爲人所稱命
蹇不如葛公遠甚故不免耳

增年待劾

賈俊東鹿人爲出東副使年纔五十有六鬚鬢皓
然不事淄飾清戎御史惡其翫麟因考滿將劾之
一日正色問曰賈憲副高壽幾何對曰犬馬之年
八十有二矣御史默然旣退同僚問曰何故不以
實對俊曰渠以我老將劾我虛認幾歲以成袖中
彈文之美不亦可乎冢宰尹旻素知其賢得寢後
官至工部尚書

伯巖知人

葉公天球婺源人爲東昌太守善總條綱立團甲

法准定繇役尤篤意人材風俗忤總漕御史總漕
入內臺風御史奏移登州喬白巖爲太宰知之曰
東人殊宜葉格不行

品服

唐制三品服紫四品五品朱六品七品綠八品九
品青今皆以青而辨以補

武臣品級

太祖以武定天下故紀元洪武武官自勲臣外左右
都督正一品同知從一品都督僉事正二品卽在

外指揮千百戶迺至從六品而止原無七八品惟
土官有從七品亦不支俸蓋制之隆重如此今武
臣體貌陵夷已極遂成偏重一日有事文臣不得
復貴倨以面孔向此曹可慮可慮

參遊佐擊

左右參將之名起于洪武二十年卽左右副將軍
也遊擊之名見于武則天以傳游藝爲之用以羅
織者佐擊起嘉靖年間

龍虎將軍

于文定公筆塵謂虜求加封兵部擬柱國云云
上批加龍虎將軍謂此官中國所無而虜所甚羨考
之龍虎將軍乃武職二品加授之散官也

皇親封伯

國家于 皇太后 皇后之父兄或子姪皆封伯而
誥命則曰推誠宣力武臣夫親臣也而曰武名實
相違殊甚如張軌張靚以外戚兼軍功用之則可
餘則不可但當封伯而停其號量加保傳階級則
得其情矣

土司銜

凡土司官有武銜者宣慰使同知安撫司正長官
副長官土千戶百戶之類是也有文銜者土府同
知通判推官土州同土縣丞主簿巡檢之類是也
長官司有屬宣慰司者有屬府州縣者有屬衛者
武銜土官與屬宣慰長官專用目把漢把夷而夷
者也文銜土官與屬府州長官奉統于郡守州守
縣令黃而漢者也屬衛長官與衛官世姻而勢難
鉗制不夷不漢者也

衙門體統

衙門體統一失不可復振章元禮職符璽御史奉勅用寶章舉舊規班其上遂為兩衙門所惡終擯之歸考之弘治十年南通政夏崇文被拾舊規六科行移通政司俱用呈文通政徐說畏其彈劾不能執始有手本崇文繼之欲復舊于是南科囂然劾之北亦為助終不能申也

會議

朝廷會議皆成故套先一日應該衙門于各該與

議官通以手本畫知至期集于東闕該衙門印官首發一言或班行中一二人以片語微言略為會問遂輪書題稿再揖而退既出闕門尚不知今日所議為何事或明知其事不言出門嘖嘖道其狀以告人者

隨朝米

大小官員俱有隨朝米十二石即于品俸內除去其翰林而上支白粳者每石值一兩四五錢猶曰從優若各衙門止支糙米每石賤時不過五錢視

正俸支本色折八錢者又減于數之內矣
李臨川堯生戊辰進士觀政禮部隨朝米一石白
粢加三斗後癸酉先生官禮科給事中云米不及
前五倍意者江陵剋削爲之今四衙門一體科道
尤爲雄峻其復舊例不言可知若各衙門決不可
復矣

選官圖

今之選官圖唐人謂之骰子選格房千里有序云
安知數刻之樂不加數年之榮耶千里字鶴舉河

南人

換職

常袞爲宰相劾侍郎崔祐甫貶河南少尹郭子儀
入言祐甫不宜貶德宗怒袞因上卽兩換職袞爲
少尹而祐甫平章事快哉快哉

謬姓

唐薛至遠知選事有王忠者被放吏謬書其姓爲
士欲擬說增成之志遠曰調者三萬無士姓此必
王忠吏叩頭服罪

王啟事

甄拔人物各爲題目此所謂山公啟事也想卽今
註考語之類當時州有大中正能上下人品目則
不獨吏部爲然而其原又起于月且評蓋雌黃之
口其來久矣唐虞時卽曰知人官人至周尤評巨
源每一官缺輒啟擬數人俟詔旨所向然後顯奏
明明是觀望蓋恬靜之人不樂居職又不欲拂人
意也以此得久安其位而當日用人行政大約可
見自後雜亂至有闕于堂上大呼有鬼者歷唐及

宋與時高下 國初重會舉冢卿不得盡顯鹽山
能舉其職而稍嫌于復盧氏爲後進所詈三原最
佳因于內閣層倪焉許極爲盛際依稀三代不可
復見矣

二大

天下無事所重只一大冢宰有事只一大司馬蓋
吏治常清兵何由動兵動矣吏治尤爲吃緊提衡
者元輔振疊者臺長竊謂吏如溫劑養脾胃者兵
如涼劑疏腸胃者人身以脾胃爲主吏不可一日

